

Burkina - Agape Binndi - God's Love Letter Scriptures

Yuhanna 15:9 Hono no Baabiiwo yidiri kam noon, miin du njidirmi on. Ngonee ley njinngu am.

Esaaya 43:1,2 - Efeesunkoobe 2:10 Sabo Laamdo wadi en ko ngonden joonin duum: e ley kawtal meeden e lisaa Almasiihu o tagiri en faa ngollen golleeji lobbi di o segilanii en gilla arande.

Yeremiya 1:5 - Galaatiyankoobe 1:15 Ammaa Laamdo subake kam gilla mi rimaaka, noddi kam saabe moyfere muudum nde muuynoo ndeen.

Yuhanna 15:16 Wanaa onon cubii kam, wo miin subii on de yamiri on njahon ndimowon bibbe, de bibbe moodon keddo, faa Baabiiwo hokka on huunde fuu ko nyaagoridon saabe am.

3 Yuhanna 1:2 Sakiike am korsudo, mido yeloo faa tawee huunde fuu na woodi e maada, ada wondi e cellal du hono no hakkillo maa selliri ni.

Esaaya 43:4 - 1 Piyeer 2:9,10 De onon kaa, wo on lenyol cubaangol, wo on almaami'en gollanoobe Kaananke oon, wo on lenyol ceniingol, wo on yimbe be Laamdo subanii hoore muudum. O subake on faa kaalon kabaaru moyfuki makko, kanko noddudo on yuuwde e nimre warude e annoora makko kaayniido oon! 10 Arande on nganaano yimbe Laamdo, de joonin wo on yimbe muudum. On kebaayno yurmeende makko, joonin kaa on kebii.

Yeremiya 31:3 - Efeesunkoobe 1:4 Sabo fadde adunaaru ndu e joyfinede, Laamdo subake en saabe Almasiihu, faa laatoden seniibe be ngalaa feloore yeeso makko.

2 Timote 1:9 Kam hisini en, noddi en faa laatoden yimbe muudum seniibe. Wanaa saabe golle men o noddri en, ammaa wo saabe anniya makko e hinney makko. O hokkirii en hinney oon e kawtal lisaa Almasiihu gilla jamaanuji puddaay.

Yuhanna 3:16 Sabo Laamdo ina yidi yimbe adunaaru faa hokkitiri Biyum bajjo, faa goondindo oon fuu taa halka ammaa heba nguurndam nduumiidam.

Hoseya 11:8; Esaaya 49:15,16; & Esaaya 41:13,14

Lukka 12:32 Taa kulee, onon coggal pamaral, sabo Baaba moodon ina seyori hokkude on laamu muudum.

Matta 28:20 Njannginon be be njokka ko njamirmi on duum fuu. Anndee, mido wondi e moodon nyannde fuu faa do adunaaru timmi.

Yuhanna 14:1 lisaa wi'i taalibaabe muudum been: —Taa umminee hakkilooji mon. Ngoondinee Laamdo, ngoondinee kam miin du.

Jabuura 23:1 - Yuhanna 10:11 Miin woni duroowo lobbo. Duroowo lobbo woni kokkoowo yonki muudum saabe baali muudum.

Jabuura 23:2 - Bangingol 7:17 Sabo Jawgel gonngel hakkunde joodorgal laamu ngeel duran be, yaara be to ildude ndiyam kokkoojam nguurndam. Laamdo mooytan gondi gite mabbe fuu.

Jabuura 23:3,4 - Lukka 1:79 faa yaynana wonbe ley nimre e kulol maayde, de rewna koyde men dow laawol jam.

Jabuura 23:5,6 - 2 Korintunkoobe 1:10 Wo kam danni min e maayde ndeen, kam dannata min yeeso du. Wo dow makko min njowi jikke o dannan min katin.

Filipiyanikoobe 4:7 Ndeen Laamdo hokkan on jam faa bura huunde fuu ko waawi miileede. Jam oon reenan berde mon e hakkillooji mon e ley kawtal lisaa Almasiihu.

Banndi 3:24 & Jabuura 4:8 - Yuhanna 14:27 Jam njoppidammi on, jam am kokkammi on. Miin, mi hokkirtaa on no aduna oo hokkirta on ni. Taa umminee hakkillooji mon, taa kulee.

Jabuura 33:18 - 1 Piyeer 3:12 Sabo Joomiraado ina ndaara fonnditiibe, ina hettindoo du'aawuuji mubben, de na salanoo wadoobe ko boni been.»

Romankoobe 5:2 Kam udditani en dammbugal hinney Laamdo mo ngonden joonin saabe goondinal meeden. Ley majjum eden ceyoroo jikke wondude e darja Laamdo.

Esaaya 55:12 - Lukka 19:40 O jaabii be, o wi'i: —Mido haalana on, si kambe be, be ndeyfínake fu, wo kaaye de yéewnotoo.

Yuhanna 16:22 Onon du hono noon cunortodon joonin, ammaa mi yiitan on katin, de berde moodon ceyoo sanne. Ndeen fay gooto waawaa bonnude seyo moodon.

Lukka 12:9 Ammaa caliido kam yeeso yimbe, salete yeeso maleyka'en Laamdo.

Matta 10:30 Woodi onon, fay leebi ko'e mon fuu wo limaadī.

Esaaya 54:10 - Matta 24:35 Kammu e leydi timman, de haalaaji am kaa timmataa abada.

Matta 11:28-30 Onon tampube, ronndiibe donje teddude, on fuu ngaree to am faa mi fowtina on. 29 Leeyínee ko'e mon ley hoorewaaku am faa mi dowa on, accon mi janngina on. Sabo mi keesindiido jom bernde leeyünde, yonkiji moodon keban powtiri. 30 Sabo ko njamirrammi on duum ina hoyi ronndaade, donngal am du ina huyfi.

Yimre Suleymaana 2:10 & Hoseya 2:14,19,20

2 Korintunkoobe 11:2 Mido joganii on kiram yuurudam to Laamdo, sabo mi habbii dewgal moodon e gorko gooto, dum woni Almasiihu. Mido yidi yaarude on to makko hono surbaajo laabudo.

Wurtagol 3:14 - Ibraninkoobe 13:8 lisaa Almasiihu waylitataako: no worrunoo keenjan ni, worri hannden, noon du worrata faa abada.

Hoseya 13:4 - Golle Nulaabe 4:12 Kisindam hebirtaake e goddo fay gooto. Laamdo hokkaay yimbe innde wonnde fuu ley adunaaru ndu faa kebiren kisindam.

Yuhanna 15:14 Onon, wo on yigiraabe am, si on ngadii ko njamirmi on duum.

Yuhanna 14:6 lisaa jaabii mo: —Miin woni laawol, miin woni goonga, miin woni nguurndam. Fay gooto waawaa yahude to Baabiiwo si rewaay to am.

Bangingol 3:20 Inani mido darii e dammbugal, mido salmina. Neddo fuu nando daande am de omti dammbugal, mi naatan to muudum, mi nyaamda e muudum, kam du nyaamda e am.